



Machadka Xagaaga PPS oo macallimiinta ka caawiya in ay hadda u diyaar garoobaan sanad dugsiyeedka soo socda.

Sanad dugsiyeedkii wuu dhammaaday, laakiin in ka badan 500 oo ah macallimiinta K-5 ayaa shaqo adag hayay iyaga oo isku diyaarinaya sanad dugsiyeedka 2018-19 ee Machadka Xagaaga PPS ee ka jira Dugsiga Sare ee Roosevelt. Tababarka labada maalmood ah wuxuu macallimiinta siiyay fursad ay hoos ugu fiiriyaan manhajka cusub ee luqadda farshaxanka, iyo in wax laga dhageysto macallimiinta isla hadaba isticmaalaya. Macallimiintu waxay sidoo kale barteen sida uu manhajku u waafaqsan yahay nidaamyada gobolka iyo baaxadda iyo sida uu iskugu xigxigo nidaamka cusub ee degmadu qaadatay — erey tacliimeed oo loogu talagalay waxa la baran doono iyo sida ay iskugu xig-xigi doonaan.

“Waxay na siiyeen waxyaabo fara badan, tilmaamo iyo PowerPoints iyo dhammaan meelahan badan ee internet-ka laga sii gelayo ee gacanta ku haysano taasi oo hawsha aad u sahlaya,” ayay sheegtay Heather Smith, oo ah macallimad fasalka labaad u dhigta Woodmere. “Waa inaan si wadajir ah u dhaqaaqno isla markaana yeelano dareen hor inta aan sanad dugsiyeedku bilaabmin.”

Kani wuxuu ahaa isku soo bixii ugu weynaa weligeed dhaca ee loogu talagalay Machadka Xagaaga, kaasi oo uu soo qaban qaabiyay Xafiiska Waxbirida iyo Waxbarashada. Qabanqaabiyeyaasha waxay sheegeen in ay muhiim ahayd in macallimiinta la siiyo taageerada ay u baahan yihiin si ay u noqdaan macallimiin wax ku ool ah isla markaana si wanaagsan ugu adeega ardaydooda.

“Waxay ku tusaysaa sida ay u haraadsan yihiin macallimiintu in aanu maalgelino iyada oo la adeegsanayo horumarinta xirfadeed,” ayay sheegtay Debbie Armendariz, Agaasimaha-Manhajka & Waxbarashada Hoose.

“Waxay wax ka baranayaan nidaamka pedagogy (habka iyo ku dhaqanka), waxay wax ka baranayaan waxyaabaha kala duwan iyo baaxadda ay leeyihiin iyo sida ay iskugu xigxigaan iyo nidaamka u yaala waxbarida. Laakiin wax kasta oo kale marka la eego midba midka kale ayuu wax ka baranaa. Waxyaalaha kale ee ay baranayaan waa in aanu daryeelno iyaga isla markaana doonayno in aanu taageerno.”

Maamuleyaasha ka soo qayb galay tababarku waxay aaminsanyihiin in manhajka cusub ee isku dheelitiran ee sinnaanta ku saleysan, ee loo yaqaan Qaybaha Waxbarashada ee Akhriska iyo Qorista, uu loolan gelin doono ardayda kaasi oo ah dhammaan heerarka wax akhriska/qorista iyada oo la siinayo fursad ay wax kula doortaan oo dheeraad ah oo ku saleysan waxbarashooda. Waxay sidoo kale loolan gelin doontaa macallimiinta si ay uga wareegaan wax baridii dhaqanka ahayd ee macallinku mas'ulka ka ahaa hawlaha fasalka "sage on the stage" iyada oo loo wareegayo qaab wax barid oo shakhsi ahaneed oo qofka waxbaranayaa uu nidaamka waxbarasho qaybta ka noqonayo "guide on the side".

"Marka la joogo Woodlawn waxaanu qabaneynaa shaqo wanaagsan oo ah ka wareejinta carruurta dhacdo ku qabtaasi waxbarasho, laakiin tani waxay naga caawin doontaa in aan carruurteena taagan heer waxbarasho ku riixno in ay xataa shaqo kasii wanaagsan qabtaan," ayay sheegtay Andrea Porter Lopez, Maamulaha Dugsiga Hoose ee Woodlawn.

"Macallimiinteenii waxay yeelan doonaan dareen wanaagsan oo aan kaliya ahayn sida fasalku yahay isaga oo wada dhan, ee laakiin sida shakhsiyaadka ardaydu ay yihiin sababta oo ah waxbarashada wey ka weyn tahay mid ardayda ku saleysan."

Manhajka waxaa la qaatay 2016, iyada oo loo soo bandhigay 20 dugsi. Sanadka soo socda, 40 dugsi ee soo haray waxay isticmaali doonaan waxyaabaha cusub. Macallimiinta isla hadaba isticmaalaysa nidaamkaasi waxay la shaqeeyeen kuwa loo soo bandhigi doono manhajka sanadka 2018-19.

Iskasta oo Woodmere ay manhajka helayso sanadkan soo socda, hadana Heather Smith waxay qayb ka mid ah ku tijaabisay ardayda fasalka labaad ka hor inta aanu dhammaanin sanad dugsiyeedkani. Aad ayay ugu faraxday natiijooyinka.

"Aad ayaan ugu faraxsanahay carruurta iyada oo sababtu tahay xataa wax bartayaasha aan leenahay ee dhibaato haysato ayaa dareemay in ay yihiin wax akhristayaal," ayay sheegtay Smith. "Waxba ma aysan akhriyi karayn heerka fasalka labaad hadana, laakiin waxay dareemeen in ay la mid yihiin ardayda kale ee fasalkayga. Waxaa la siisay fursad ay wax kula doortaan oo ku saleysan waxbarashooda, waxaan haystay waqti dheeraad ah oo aan kula fariisto iyaga oo shaqsi-shaqsi ah si loo dejiyo meel la hiigsanayo ama si loo tilmaamo waxbarashooda."

-Pamela Jordan